

No. 497. 1357. 2. Oct.

Markgraf Friedrich eignet mit Zustimmung seiner Brüder der Domkirche Geld- und Naturalzinsen in Böhla.

In nomine domini amen. Nos Fridericus dei gratia Thuringiae lantgravius, Misnensis, Orientalis et in Landesperg marchio, comes in Orlamunde dominusque terrae Plysnensis, recognoscimus publice et ad universorum tam praesentium quam futurorum deducimus notionem, quod in remedium animae nostrae ac progenitorum nostrorum pariter et heredum de voluntate, beneplacito et consensu fratrum nostrorum Balthazar et Wilhelmi in restaurum decem marcarum annui census, quem vendiderunt canonici, capitulum et vicarii ecclesiae Mysnensis in civitate nostra Mysna ad nostram ordinationem, appropriavimus, donavimus et dedimus, appropriamus, donamus et damus praefatae ecclesiae Mysnensi quartum dimidium mansum cum areis et curiis ad eosdem agros pertinentibus, sitos in villa et campis villae Boil^a) districtus Hainensis, quorum agrorum possessores subscripti, videlicet Jacobus habens unum mansum solvit ac solvere consuevit in festo Mychahelis singulis annis XV grossos X hall., modium tritici, medium modium avenae et I^b) pullos, in carnis privio I^b) pullos et in festo paschae XX ova; item Johannes de Monte habens unum mansum dat in festo beati Michahelis XV grossos X hall., modium tritici, I^b) pullos, in carnis privio I^b) pullos et in festo paschae XX ova; Johannes Opilio habens I mansum solvit XV grossos in festo Mychaelis X hall., modium tritici Mysnensis mensurae, I^b) pullos, in carnis privio I^b) pullos et in festo paschae XX ova; item Nycolaus dictus Blumenzcoph habens medium mansum dat in festo Michahelis VIII^o grossos, medium modium tritici praefatae mensurae Mysnensis, I pullum, in carnis privio I pullum et in festo paschae X ova, item unum modium cum dimidio, quos solvit Martinus dictus Myt nomine decimae de Iſ manso ibidem cum omnibus fructibus, emolimentis et utilitatibus, quae eisdem mansis insunt vel inesse poterunt in futurum. In quorum omnium testimonium hanc litteram scribi et nostri sigilli maioris appensione fecimus communiri, praesentibus et testibus strennuis Friderico de Wangheim marschalco, Kristano de Witzleiben iudice curiae, Heinrico de Kothewicz cancellario, Vlrico de Tentete, Heystone de Falken militibus, secretariis et fidelibus nostris dilectis pluribusque aliis fide dignis. Datum Dresden anno domini M^o.CCC^o.L^o. septimo feria secunda post festum Mychahelis archangeli.

Nach dem Orig. im Stiftsarchiv zu Meissen mit dem Reitersiegel des Markgrafen an einem Pergamentstreifen.

a) Böhla, Par. Lenz. b) Ursprünglich II., das zweite I ist überall wegradirt.